



UNIVERSITÄTS-
BIBLIOTHEK
PADERBORN

Universitätsbibliothek Paderborn

Directorivm Inqvisitorvm F. Nicolai Eymerici Ordinis Prædicatorum

Nicolaus <Eymericus>

Venetiis, 1607

Pivs Papa V.

urn:nbn:de:hbz:466:1-13589

P I V S P A P A V.

A Sanctissimi D. N. Pij Papę V. pręceptum quod Principes, iudices, & iustitię ministri mandatis Cardinalium Inquisitorum generalium in concernentibus officium Sanctissimę Inquisitionis pareant; & reos quoslibet heresi inquisitos, pro quibusvis alijs delictis carceratos, suspęsa aliorum criminum cognitione, ad Inquisitores deferant, vt causa fidei prius cognoscatur, inde pro alijs delictis a suis iudicib. puniatur.

B Sanctissimus D. N. D. Pius diuina prouidentia Papa quintus, statuit, decreuit, & ordinauit, ac mandauit, vt negotia fidei omnibus, & singulis alijs pręferantur, cum fides sit substantia, & fundamentum Christianę religionis. Idcirco omnibus, & singulis almę Vrbs, eiusque districtas gubernatori, senatori, vicario, & Camerę Apostolicę Auditori, & quibuscunque alijs legatis, vicelegatis, gubernatoribus prouinciarum, & terrarum suę Sanctitati, & S. R. E. mediate, & immediate, subiectarum, ac eorum locatenen. officialibus, barfellis, & alijs ministris, necnon alijs locorum ordinarijs, ceterisque magistratibus, & officialibus, ac cuiusvis conditionis, & status hominibus in omnibus, & singulis terris, oppidis, & ciuitatibus, ac in tota republica Christiana existen. sub excommunicationis latę sententię, ac indignationis suę Sanctitatis, & alijs arbitrio suę Sanctitatis, & Illustrissimorum, & Reuerendissimorum dominorum Cardinalium Inquisitorum generalium imponendis, & exequendis pęnis, vt eisdem Cardinalibus Inquisitoribus, ac eorum pręceptis, & mandatis in quibuscunque officium Sanctę Inquisitionis huiusmodi concernen. pareant & obediant. Reges uero, Duces, Comites, Barones, & quosuis alios Principes seculares in Dei nomine rogauit, vt eisdem Cardinalibus Inquisitoribus, eorumque officialibus faueant, auxiliumque prębeant, & à suis magistratibus subditis auxilium pręberi faciant in negotijs ad dictam officium spectan. Necnon carceratos quoscuque pro quibusvis delictis, & debitis etiam atrocibus apud dictum Inquisitionis officium quomodolibet delatos, vel denunciatos, suspęsa aliorum criminum inferiorum cognitione, ad eosdem Cardinales, & Inquisitionis carceres, ibidemque ad criminis heresis totaliter cognitionem, & expeditionem retinendos, & postea ad eosdem officiales pro aliorum criminum expeditione remittendos, sine mora transmittant.

Ex bullatio Pii V. Romę impresso.

P I V S P A P A V.

Sanctissimi Domini N. D. Pij Papę V. Constitutio contra offendentes statum, res, & personas officij Inquisitionis heretica prauitatis.

D Quicumque quacunq. dignitate seculari decoratus Inquisitorem, aut quemlibet sancti officij ministrum, aut accusatores, denuntiatores, & testes in causis fidei offenderit, aut perterrefecerit, siue res quascuq. sacri officij priuatas, aut publicas inuaserit; vel capros pro crimine heresis liberarit, prohibuerit, ne caperentur, aut occultauerit, aut denique quocunque alio modo causis fidei nocuerit, etiã si nihil sit mali subsecutum anathemate percussus est, & velut reus lese maiestatis, omni dominio & dignitate eo ipso priuatur, filij etiã talius infames sunt, & omni hereditatis successione, & donationis iure, aut alia liberalitate carent, idẽ penitus obseruetur in personis ecclesiasticis, que sitale quid commisisse constiterit, degradentur, & curię seculari relinquuntur; Pontificũ tamen cause Romano Pontifici reseruatur, qui pro talibus intercedit, in fauorũ hereticorum penas ipso facto incidit, qui hac delicta adhuc occulta manserint, supplicio liberatur, nullus ex prędictis à pręfatis penis liberetur, nisi postquam per sex menses pontifices Romani in sede Petri sederint; idque precibus prius in sancto Inquisitionis senatu verificatis, aliter quid quid gestum fuerit, irritũ est et inane, pręlati has constitutiones publicẽt, principes seculares ministris sacri officij omne auxilium pręstent & fauorem, & sententias in reos heresis latas exequatur.

Pius Episcopus seruus seruorum Dei, ad perpetuam rei memoriam.

E Ide protegendis ceteris omnibus Ecclesię ministris, quos in fidem & clientelam nostram a Domino recepimus, cura nobis quotidiana insidet, quanto maiore studio eam nos solitudinem capere necesse est, vt qui in sacro Inquisitionis hereticę prauitatis officio versantur, sub tutela inuiolata auctoritatis huius sedis periculum omnium expectes, & queque munera ad exaltationem fidei catholicę exequantur. Cum itaque eius generis impiorum etis quotidie magis inualescat, qui omnibus malis artib. prędictum officium subuertere, ministrisque functionibus disturbare moliuntur, ed iam nos detrusit necessitas, vt nefariam, & scelestam illorum audaciam accerbiorē castigationis verbere reprimamus. Hac igitur generali constitutione de fratum nostrorum consilio sancimus, ut quicumque siue cuncta ciuitas, siue populus, siue dominus, Comes, Marchio, Dux, vel potiore titulo illustris, quemuis ex Inquisitoribus, Aduocatis, Procuratoribus, Notariis, aliisque ministris prędicti officij, vel Episcoporum id munus in sua dicecesi, aut prouincia obeuntium, seu accusatorem, denuntiatorem, aut testem in causa fidei quomodocunque productum, vel euocatum occiderit, uerberauerit, deiecerit, seu perterrefecerit, quicue ecclesias

Edita anno Do mini. 1569.

Ex bullatio Pij V. Romę impresso.

clesias, ædes, alia sue res siue publicas, siue priuatas, officij aut ministrorum expugnauerit, inuaserit, A
 incenderit, expilauerit, aut libros, litteras, auctoritates, exemplaria, regesta, protocolla, exempla, scri-
 pturas, aliaue instrumenta, siue publica, siue priuata ubicunque posita combusserit, diripuerit, seu
 interuerterit, seu ex incendio, aut direptione, aut alio quocunque modo illa exportauerit, seu qui in
 conflagratione, expugnatione, aut direptione etiam inermis, siue capiendi, siue comburendi, siue sup-
 primendi causa fuerit, siue res aut personas seruati, defendiue prohibuerit, quique carcerē, aut aliam
 custodiam, seu publicam, seu priuatam effregerit, vincitum extraxerit, seu emisit, capiendum pro-
 hibuerit, captumue eripuerit, receperit, occultauerit, seu facultatem effugiendi dederit, seu iusserit id
 fieri, qui cœtum concursumue fecerit, siue ut aliquid prædictorum fieret homines accommodaue-
 rit, siue aliàs auxilium, consilium, aut fauorem publice vel occulte in quolibet prædictorum scien-
 ter præstiterit, licet nemo occisus, nemo verberatus, nemo extractus, emissus, vel ereptus, nihil expu-
 gnatum, nihil effractum, succensum, direptumue, nullum denique damnum re ipsa sit secutum: ni-
 hilominus is sit anathemate præsentis canonis auctoritate ligatus, idem quoque læsæ maiestatis reus, B
 dominio, dignitate, honore, feudo, ac quocunque alio beneficio temporali, & perpetuo, eo ipso pri-
 uatus, secularis iudicis arbitrio relinquatur, qui de eo illas ipsas pœnas exigat, quæ damnatis primo
 capite dictæ legis per constitutiones legitimas irrogantur, bonis, rebusque omnibus fisci iuribus
 applicatis, vti etiam est de damnatis hæreticis per sanctiones canonicas constitutum: eius filij pater-
 na infamia subiecti, omnis, & cuiuscunque hereditatis, successionis, donationis, & legati, siue pro-
 pinquorum, siue extraneorum omnino sint expertes, eisdem præterea postea nunquam pateant di-
 gnitatum. Nemo autem expurgationem habere, aut causam vllam proponere, vel prætere tendere pos-
 sit, qui tantum nefas in contemptum, & odium huius officij admisserit, nisi contrarium per clatas
 probationes docuerit se fecisse. Quod porro de prædictis, eorumque filijs statuimus, illud idem de
 omnibus clericis, & presbyteris secularibus, & quorumuis ordinum, etiam exemptorum regula-
 ribus, & quacunque etiam Episcopali, & maiori dignitate præditis, ac etiam priuilegio quomodo-
 cunque suffultis, decernimus exequendum, ita ut ipsi beneficiis, & officijs omnibus ecclesiasticis,
 præsentium auctoritate priuati, per iudicem ecclesiasticum, hæreticorum more degradentur, de-
 mum potestati seculari traditi, pœnis prædictis laicorum instar subiiciantur; Pontificum tamen cau-
 sis nobis, & successoribus nostris reseruatis, vt re quaesita, & nobis renunciata, contra eos ad deposi-
 tionem, & alias pœnas prædictas procedamus, vti criminis atrocitas videbitur postulare. Quicun-
 que autem pro talibus veniam petere, aut aliàs intercedere tentauerint, in easdem illas pœnas quæ
 in hæreticorum fautores a sacris constitutionibus inferuntur, ipso facto se nouerint, incidisse. Verum
 si quis etiam huiusmodi criminum conscius, vel affinis, siue religionis studio, siue pœnitentia ductus
 rem adhuc incognitam retexerit, supplicio liberetur. Ceterum eam omnium, & quarumcunque
 absolutionum rationem prædictis criminibus, necnon habilitationum, & restitutionum etiam ad
 famam, & honores, ita deinceps habendam optamus, vt successores nostri nullas nisi saltem seme-
 stri post cuiusque assumptionem ad huius dignitatis fastigium excursu, ac precib. apud supremum
 officium Inquisitionis hic institutum verificatis, concedant. Decernentes omnes, & quascumque; bu-
 iusmodi absolutiones, habilitationes, & restitutiones, quæ precibus sic non verificatis de cætero
 fient, nemini prorsus prodesse, sed nec præsentibus, nisi toto ipsarum tenore ad verbum inserto, & D
 gratia ex certa Romani Pontificis scientia facta, & propria manu subscripta, vlla in parte derogari,
 nec derogatum censi debere, & si illis ex quacunque causa aliter derogari contigerit, derogati-
 ones huiusmodi nullius prorsus fore roboris, & momenti. Iubemus igitur vniuersos, & singulos
 Patriarchas, Primates, Archiepiscopos, Episcopos, & ceteros ecclesiarum prælatos per vniuersum or-
 bem constitutos, vt per se, vel alium seu alios præsentem litteras, aut earum exempla in suis quisque
 prouincijs, ciuitatibus, diocœsibus, & locis solenniter publicare, & quantum in se est, firmiter obser-
 uari procurent, contradictores quosunque per censuras, & pœnas ecclesiasticas, appellatione post-
 posita, compescendo, ipsasque censuras, & pœnas etiam iteratis vicibus aggrauando, inuocato etiam
 ad hoc si opus fuerit, auxilio brachij secularis. Non obstantibus constitutionibus, & ordinationibus
 Apostolicis, ceterisque contrarijs quibuscunque. Volumus autem, vt præsentium exempla etiam
 impressa edantur, eaque Notarij publici manu, & cuiuscunque curiæ ecclesiasticæ, vel prælati sigillo
 obfirmata, eandem illam prorsus fidem ubique locorum faciant, quam ipsæ præsentem facerent, si es-
 sent exhibitæ vel ostensæ. Ceterum omnes orbis terrarum Principes, quibus gladij secularis pote-
 stas ad malorum vindictam est permessa, per eam quam se tueri promiserunt fidem, obtestamur, ita
 suas quisque partes siue in præstando ministris prædictis auxilio, siue in criminum post ecclesiæ sen-
 tentiam animaduersione, interponere, vt eorum quoque præsidijs ministri ipsi tanti officij mucus pro
 Dei æterni gloria, & religionis incremento feliciter exequantur, amplissimum à Domino præmium
 recepturi, quod fidei prædictæ assertoribus in æternæ beatitudinis consortio præparauit. Nulli ergo
 omnino hominum liceat hanc paginam nostræ sanctionis, legationis, statuti, decreti, iussionis, obte-
 stationis, & voluntatis infringere, vel ei casu temerario contraire. Si quis autem hoc attentare præ-
 sumpserit, indignationem omnipotentis Dei, ac beatorum Petri, & Pauli Apostolorum eius, se no-
 uerit incursum, Datum Romæ apud Sanctum Petrum, Anno Incarnationis Dominicæ, Milleesimo,
 quingentesimo, sexagesimo nono, Cal. Aprilis, Pontificatus nostri anno quarto.

† Ego

A *Ego Pius V. Catholica Ecclesie Episcopus.*

† F Cardinalis Pisanus Episcopus Hostien.	Locus signi.	† Ego M. Antonius Card. Columna.
† Io. Card. Moronus Episcopus Portuen.		† Ego Prologus Card. Comensis.
† Christoph. Madrucius Episcopus Prænest.		† Ego P. Card. de sancta Cruce.
† Otto Card. Truchses Episcopus Albanen. Vtinam dirigantur		† Ego Z. Card. Delphinus.
† A. Card. Farne. Vicecan. Episcopus Tusc. Viz meæ ad culto-		† Ego Hu. Card. S. Sixti.
† Io. Bapr. Cicada Episcopus Sab. Card. S. Clem.	diendas	
† Ego Iulius Cardinalis Vrbinus.	Testificationes	† Ego Alexander Card. Cribellus.
† Ego Fulvius Cardinalis Perusin.	Tuas	† Ego Guido Card. Vercellus.
† Ego Io. Riccius Card. Politianus.		† Ego Guilielmus Card. Sirletus.
† Ego Scipio Card. Pisarum:		† Ego F. Michael B. Card. Ale. Cam.
B † Ego Iacobus Card. Sabellus.		† Ego Hieronymus Car. de Caravalle.
† Ego Aloysius Card. Cornelius.		† Ego Ludonicus Card. Madrucius.
† Ego Ph. Cardinalis a Burdijera.		† Ego Innoc. Card. de Monte.
† Ego Antonius Card. Granuellanus.		† Ego Hieronymus Card. Simoncellus.
h † Ego Franciscus Card. Pacieus.		†
†		† Ego Ferd. Card. de Medicis.
† Ego Hieronymus Card. de Corrigo.		† F. Cardinalis Alciatus.
† Ego Io. Franciscus Card. de Gambarà.		† Io Paulus Cardinalis ab Ecclesia.
† Ego Nicolaus Card. de Sermoneta.		† A. Cardinalis Carafa.
† Ego Innoc. de Analos Card. de Aragonia.		

Anno a Natiuitate Domini Millesimo quingentesimo sexagesimo nono, Indictione duodecima, die vero secunda mensis Maij, Pontificatus Sancti in Christo patris & D. N. D. Pij, diuina prouidentia Papæ V. Anno quarto, retrospectiua litteræ Apostolica, lectæ, affixæ, & publicata fuerunt ad Valuas Basilicæ Principis Apostolorum de Vrbe, Cancellariæ Apostolicæ, ac in Acie Campi Floræ, vt est moris, dimissis in locis præfatis præsentibus litteris per aliquantulum temporis spatium affixis, & deinde amotis per nos Iulium Parinum, & Ioannem Bornorum prælibati S. D. N. Papæ Cursores.

Ant. Clerici Mag. Cur.

P I V S P A P A V.

Sanctiss. D. N. D. Pij Papæ V. Confirmatio creationis, & priuilegiorum Societatis Crucesignatorum.

Pius Papa Quartus, ad perpetuam rei memoriam.

D Acrosanctæ Romanæ, & vniuersali Ecclesie diuina disponente clementia, meritis licet insufficientibus præsidentes, omnem pastoralis nostri officij curam, atque vigilantiam in id potissimum adhibere debemus, vt fides catholica vbique terrarum, quantum in nobis est integra, inuiolataque conseruetur, & impij, ac detestandi hæreticorum conatus ipsam vnam fidem violare satagentium omnibus rationibus comprimentur. Vnde si que ad iuuandum huiusmodi nostrum propositum, ac debitum, aliàs pie instituta, ac concessa fuisse a prædecessoribus nostris comperimus, libenter approbamus, & aliàs desuper disponimus, prout in Domino conspicimus salubriter expedire. Cum itaque inter ceteras, que in Ecclesia Dei hæctenus institutæ sunt Christi fidelium Societates, illa satis vberes Christianæ religionis fructus afferre videatur, que sub Crucesignatorum vocabulo ad assistendum hereticæ prauitatis Inquisitionibus, auxiliumque, quando, & quoties opus sit, in catholicæ fidei negotijs aduersus hæreticos, etiam vita ipsa præstandum, instituta existit, vt non immerito à diuersis Romanis Pontificibus prædecessoribus nostris specialibus gratijs, & priuilegijs fuerit decorata. Nos attendentes, quod ea maiorem obtinent roboris firmitatem, quæ pluries Apostolicæ confirmationis præsidio sint communita, vtque paternum nostrum erga ipsam Societatem charitatis affectum ostendamus. eiusdem Societatis Crucesignatorum creationem, & institutionem, ac priuilegia, quæ sunt in vsu, necnon indulgentias, prærogatiuas, facultates, gratias, & indulta quæcunque: eidem Societati, & illius vtriusque sexus confratribus Crucesignatis pro tempore existentes, tam per Innocentium iiii. Innocentium viii. Iulium ii. Leonem x. Clementem vii. quam quoscunque alios Romanos Pontifices prædecessores nostros sub quibuscunque tenoribus, & formis, ac cum quibusuis clausulis, & decretis hæctenus quomodolibet concessa, & confirmata, decretis tamen Concilii Tridentini non repugnantia, necnon literas desuper emanatas, illorum omnium, & singulorum tenores præsentibus pro sufficienter expressis habentes, auctoritate Apostolica tenore præsentium confirmamus, approbamus, & innouamus, illisque perpetuæ, & inuiolabilis firmitatis robur adiciamus, omnesque

Edita anno Domini 1570.

Ex bullario Pij V. Romæ impresso.

los iij.